20

## Fürst Ludwigs Trauergedicht auf die verstorbene Fürstin Anna von Anhalt-Bernburg

Clage Der Anhaltischen Vnterthanen deß Fürstlichen Bernburgischen Antheils

Vber den Tödlichen Abgang Der weiland Durchläuchtigen vnd hochgebornen Fürstin vnd Frawen/

Frawen ANNEN/

Fürstin zu Anhalt/ geborner Gräfin zu Bentheim/ Teklinburgk Steinfurth vnd Limpurg/ Gräfin zu Ascanien/ Frawen zu Bernburg vnd Zerbst/ Jhrer allerseits gnädigen vnd frommen LandesFürstin.<sup>1</sup>

ACh Gott/ wird vnser Sonn/ weg/ mit der droben/ zihen/ Vnd nun mit finsterniß ihr aug stets überzihen? So wird/ an statt deß tags/ den vns ihr leben bracht/ Nun vnser antlitz stets verfinstern eine Nacht? Die/ derer Tugend glantz der Sonnen glantz vorginge

An der verdinste groß/ all vnser hoffnung hinge/
Hat itzt die Welt verlahn/ vnd der Parc scharffe Scheer
Hat abgeschnitten gleich all vnsers Landes Ehr.

Das vorbild wahrer zucht/ der Keuschheit recht Exempel

10 Deß Himmels bestes stück/ der Weißheit schöner Tempel/

(O vngerechter grimm/ eins schlusses ohne gnad)

Der blassen Atropos gewalt/ empfunden hat. Ach Gott/ wir wird der Todt wegreissen so manch leben Wie wird diß scheiden doch vns so manch hertzleid geben?

O Fürstin/ hochgeehrt/ ihr habt/ es sicher glaubt/ Durch ewr ableiben vns all vnsrer freud/ beraubt. Es war nur vnser lust zusehen vnd zuhören

Wie Zucht vnd Tugend groß sich stets in euch thet nehren Vnd mehren ewer lob/ doch über alles wir

Ob ewrer Weißheit vns erfrewten für vnd für.
Ewr wolgesatzte red/ wann sie ewer Mund rauß lisse
Jns hertz ein lieb vnd lust zur Tugend vns einblise/
Vnd wann der ehren ziels wir wolten fehlen nicht/
Must/ auff ewr wesen nur sein vnser Aug gericht.

25 Wann in ewr schönen Seel sich vnser Geist wolt weiden Ließ er/ was irrdisch ist/ damit die Erd that meiden Vnd mit den flügeln sein sich nach dem Himmel wandt